



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 31. Marcus Antonius Columna usque ad Romanæ Urbis portas
populabundus excurrens.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1556. tur, sequentesque proponunt conditio-
nes. I. Summus Pontifex in amicitiam
redeat cum Philippo Rege; II. cautio-
nem illi det, se nunquam ipsi molestiam
illaturum, nec fœdus contra eum ini-
turum; III. Hispaniæ Regis subditos,
ac ministros, qui erant in custodia, li-
beret; IV. Marcum Antonium Colum-
nam, & Ascanium Corneum in pristi-
num statum, ac dignitates recipiat.

Verum postremus hic articulus mi-
nus arridebat Cardinalibus, quapropter
palam testabantur, quod ex illis nul-
lus ejusmodi rem Pontifici proponere
auderet: Nihilominus Prorex pertina-
citer suo insistebat postulato, & quam-
vis postea conventum esset, quod inter
ipsum, & Cardinalem Caraffam in Mo-
nasterio inter Marinum, & Tusculum
sito, quod Cryptam Ferratam vocant,
colloquium haberetur, Caraffa tamen
non interfuit, quocirca de concordia
haud amplius agebatur, sed belli flam-
mæ pristino furore accendebantur.

§. XXXI.

*Marcus Antonius Columna usque ad
Romanæ urbis portas popula-
bundus excurrens.*

Thuan. l. 17.
524. & 525. Interea Albæ Dux Paliano ad lævam
relicto cum exercitu suo Labicum,
seu Valmontanum contendit; hoc enim
oppi-

oppidum eidem Joannes Baptista Conti, Sæcul. XVI.
 feu de Comitibus unacum Seguina urbe A.C. 1556.
 pactis conditionibus honestis tradide-
 rat. Sub idem quoque tempus Joan-
 nes Luna Mediolanensis arcis Guber-
 nator eandem per Filium suum Triden-
 tino Cardinali, qui Mediolanensi Du-
 catui cum summo imperio præerat, tra-
 didit, atque exiguam meritis suis gra-
 tiam reddi, nec ullam illius, quam
 nuper Cæsari egregie in bello Senensi
 navaverat, operæ memoriam haberi in-
 dignatus, ad Franciæ Regis vexilla
 transiit: Postea Marcus Antonius Co-
 lumna media nocte cum mille quingen-
 tiscataphractis equitibus e castris egres-
 sus ad portas usque Urbis Romanæ
 excurrit, & frustra infidias molitus, si
 forte incautos Pontificios milites in-
 opine intercipere posset, multis gregi-
 bus, & armentis abactis retro cessit:
 id tamen magnum terrorem Urbi inie-
 cit; jam enim Romani civitatem suam
 ab hoste cingi verebantur. Demum
 Albæ Dux Tiburi, cui Franciscus Ur-
 finus sese cum quadringentis Italis in-
 cluserat, exercitum suum admovit, ca-
 ptaque urbe recta Vicum-Valerium di-
 tionis Urfinæ oppidum contendit, illud-
 que Urfinis deditionem facientibus oc-
 cupavit, atque in Ascanii Cornei pote-
 state reliquit, inde vero aditus ad an-

Sæcul. XVI.
A.C. 1556.

nonam Taliacotio inferendam, liberque ex Aprutio transitus Hispanis aperiebatur. Porro arx a quinquaginta circiter præfidiariis adhuc tenebatur, quorum Dux a Corneo ad colloquium evocatus, cum imprudenter egressus esset, ab eo retentus est, nec prius dimissus, quam dedita arce Hispani in eam recepti essent.

Interea Romæ omnia confusa, ac perturbata videbantur, eoquod hostis adeo propinquus terrorem ubique diffunderet, ac Pontificis copiæ in Hispanos excurrere non auderent; aliunde etiam Camillus Urfinus, penes quem armorum summa in Urbe erat, destructis plerisque domibus, ac templis ad Flaminiam portam intra pomerium munitiones excitabat, ac domi militem continebat: quod populo non solum molestiam, sed magnam animi consternationem afferebat; nam quasi de reliquo actum esset, suspicabantur Romani: ut vero Blasius Montlucus terrorem populo adimeret, extra urbem castra metari constituit, cumque Romanis de ejus fortitudine persuasis percarus esset, hinc oratione ad populum habita dejectorum animos erigere rogabatur, quod etiam præstitit, populo illius sermonem avidis auribus excipiente, atque ad constantiam animato. Postea idem Mont-

Montlucus Veliram, ut auxiliares copias in hoc oppidum introduceret, decernitur, atque in illud cataphractorum centurias immittit, quo facto ulterius in urbe morari haud consultum ratus ad suum exercitum incolumis pervenit quadraginta circiter milliaria emensus nuspiam interrupto itinere.

Sæcul. XVI.
A.C. 1556.

§. XXXII.

Belli errores a Pontificii exercitus Ducibus commissi.

Ceterum Pontificis exercitus decem pedum millibus, ac mille ducentis equitibus, omnibus ad fortiter pugnandum paratis constabat: Verum sub primis expeditionis auspiciis quoddam finistrum consilium totam spem evertibat; cum enim hisce copiis Albæ Ducem statim aggredi oportuisset, atque ille, cum nondum ad excipiendum hostem sat paratus esset, facile inopino impetu obrui potuisset, Pontificis tamen copię intra Romanæ urbis mœnia detinebantur, hacque cunctatione occasio, qua magis opportuna sese haud offerre potuisset, negligebatur. Hic error Camillo Ursino fuit attributus; is enim jam senex, ac proinde in rebus gerendis cautior, ac nonnihil timidus, tutiora fere, quam generosiora consilia sectabatur. Ceterum inter omnia loca,

Thuan. l. 17.
p. 526.